

საქმე # 330100116001593945



**საქართველოს უზენაესი სასამართლო
განაჩენი
საქართველოს სახელით**

საქმე №376აპ-19
გ----- ს-----, 376აპ-19

ქ. თბილისი
5 მარტი, 2020 წელი

**საქართველოს უზენაესი სასამართლოს სისხლის სამართლის საქმეთა
პალატამ შემდეგი შემადგენლობით:**

**მამუკა ვასაძე (თავმჯდომარე),
შალვა თადუმაძე, მერაბ გაბინაშვილი**

სხდომის მდივან – კონსტანტინე თოდრიას
პროკურორ – ანა სიგუას
ადვოკატ – ნ----- ც-----ს
გამართლებულ – ს----- გ-----ს
თარჯიმან - ი----- ნ-----ს

მონაწილეობით დახურულ სხდომაზე განიხილა თბილისის ისანი-სამგორის რაიონული პროკურატურის პროკურორ ანა სიგუას საკასაციო საჩივარი თბილისის სააპელაციო სასამართლოს სისხლის სამართლის საქმეთა პალატის 2019 წლის 27 მარტის განაჩენზე.

ს ა რ ე ზ ო ლ უ ც ი ო ნ ა წ ი ლ ი:

საკასაციო სასამართლომ იხელმძღვანელა საქართველოს სსსკ-ის 301-ე მუხლით, 307-ე მუხლის პირველი ნაწილის „ბ“ ქვეპუნქტით, 308-ე მუხლით, „საერთო სასამართლოების შესახებ“ საქართველოს კანონის მე-13 მუხლის მე-3¹ ნაწილით და

და ა დ გ ი ნ ა:

1. თბილისის ისანი-სამგორის რაიონული პროკურატურის პროკურორ ანა

სიგუას საკასაციო საჩივარი დაკმაყოფილდეს;

2. თბილისის სააპელაციო სასამართლოს სისხლის სამართლის საქმეთა პალატის 2019 წლის 27 მარტის განაჩენი გაუქმდეს;

3. ს----- გ----- ცნობილ იქნეს დამნაშავედ საქართველოს სსკ-ის 137-ე მუხლის 1-ლი ნაწილით გათვალისწინებული დანაშაულის ჩადენაში და სასჯელის სახედ და ზომად განესაზღვროს 7 (შვიდი) წლით თავისუფლების აღკვეთა;

4. მსჯავრდებული ს----- გ----- დაკავებულ იქნეს სასამართლო სხდომის დარბაზში და შესახლდეს შესაბამის პენიტენციურ დაწესებულებაში;

5. მსჯავრდებულ ს----- გ-----ს სასჯელის მოხდის ათვლა დაეწყოს ამ განაჩენის გამოცხადების მომენტიდან - 2020 წლის 5 მარტიდან. მასვე სასჯელის მოხდის ვადაში ჩაეთვალოს დაკავებასა და პატიმრობაში ყოფნის პერიოდი - 2016 წლის 12 სექტემბრიდან 2017 წლის 10 ივნისის ჩათვლით;

6. გაუქმდეს მსჯავრდებულ ს----- გ-----ს მიმართ გამოყენებული აღკვეთის ღონისძიება - გირაო;

7. ნივთიერი მტკიცებულებები:

- ს----- გ-----ს საფულე მასში მოთავსებული საბუთებით, რომელიც ამოღებულია ა----- ი-----სგან დათვალიერების შედეგად, საქმეზე საბოლოო გადაწყვეტილების მიღების შემდეგ დაუბრუნდეს კანონიერ მფლობელს ან მისი ნდობით აღჭურვილ პირს;

- ა----- ი-----ს ტანსაცმელი, რომელიც ამოღებულია ა----- ი-----სგან დათვალიერების შედეგად, საქმეზე საბოლოო გადაწყვეტილების მიღების შემდეგ დაუბრუნდეს ა----- ი-----ს;

- ა----- ი-----ს თმის, ფრჩხილის, ნერწყვისა და ნაცხის ნიმუშები, საქმეზე საბოლოო გადაწყვეტილების მიღების შემდეგ განადგურდეს;

- ს----- გ-----ს თმის, ნერწყვისა და ხელის კვლების ნიმუშები, საქმეზე საბოლოო გადაწყვეტილების მიღების შემდეგ განადგურდეს;

- საგამოძიებო ექსპერიმენტისას გადაღებული ფოტოსურათები დისკზე, დაერთოს სისხლის სამართლის საქმეს, საქმის შენახვის ვადით;

- საგამოძიებო ექსპერიმენტისას ამოღებული ნიადაგის ნიმუში, საქმეზე საბოლოო გადაწყვეტილების მიღების შემდეგ განადგურდეს;

- შსს საპატრულო პოლიციის დეპარტამენტიდან გამოთხოვილი გარე სათვალთვალ კამერის ჩანაწერები DVD დისკზე დაერთოს სისხლის სამართლის საქმეს, საქმის შენახვის ვადით;

- სს „კ-----დან“ გამოთხოვილი გარე სათვალთვალ კამერის ჩანაწერები DVD დისკზე დაერთოს სისხლის სამართლის საქმეს, საქმის შენახვის ვადით;

- ა----- ი-----სგან დათვალთვლების შედეგად ამოღებული „ნოკიას“ ფირმის მობილური ტელეფონი საქმეზე საბოლოო გადაწყვეტილების მიღების შემდეგ დაუბრუნდეს კანონიერ მფლობელს;

- ს----- გ-----ს „აიფონის“ ფირმის მობილური ტელეფონი, რომელიც ამოღებულია თ----- გ-----სგან დათვალთვლების შედეგად, საქმეზე საბოლოო გადაწყვეტილების მიღების შემდეგ დაუბრუნდეს ს----- გ-----ს ან მისი ნდობით აღჭურვილ პირს;

- შპს „ჯ-----დან“ გამოთხოვილი ინფორმაცია - 558 519326 სატელეფონო ნომერზე განხორციელებული შემავალი და გამავალი ზარების ამსახველი მონაცემების CD დისკი, დაერთოს სისხლის სამართლის საქმეს, საქმის შენახვის ვადით;

- 2016 წლის 1 ნოემბერს მობილური ტელეფონის დათვალთვლებისას ექსპერტების მიერ გადაღებული ფოტოსურათები, ჩაწერილი CD დისკზე, დაერთოს სისხლის სამართლის საქმეს, საქმის შენახვის ვადით;

8. მიღებული განაჩენი სასამართლოს ვებგვერდზე გამოქვეყნდეს „საერთო სასამართლოების შესახებ“ საქართველოს კანონის მე-13 მუხლის მე-3¹ ნაწილის მოთხოვნათა დაცვით.

9. განაჩენი საბოლოოა და არ გასაჩივრდება.

თავმჯდომარე

მ. ვასაძე

მოსამართლეები:

შ. თადემაძე

მ. გაბინაშვილი